

SOALAN NO.: 80

PERTANYAAN DEWAN RAKYAT

PERTANYAAN : LISAN
DARIPADA : YB. DATO' SRI HASAN ARIFIN
KAWASAN : ROMPIN
TARIKH : 27 JULAI 2017, KHAMIS

SOALAN:

YB. DATO' SRI HASAN ARIFIN minta **MENTERI KERJA RAYA** menyatakan jalan di antara Keratong ke Bahau/Serting, dari segi strukturnya adalah sempit, bahu jalan yang kecil, jalan yang beralun menyebabkan banyak berlaku kemalangan jiwa. Bilakah Kerajaan bercadang untuk menaik taraf dengan melebarkan jalan ini dan mengukuhkan strukturnya.

JAWAPAN:

Tuan Yang Di-Pertua,

Untuk makluman Ahli Yang Berhormat, jalan tersebut adalah melibatkan Jalan Persekutuan FT011, Jalan Bahau – Keratong. Sehubungan itu, selari dengan keutamaan *Highway Network Development Plan* (HNDP), Kementerian ini telah memohon untuk Menaiktaraf Jalan Persekutuan FT011, Jalan Bahau – Keratong sepanjang 30km dalam Rolling Plan Ke-1, RMKe-11.

Walaupun bagaimanapun, cadangan projek ini tidak mendapat kelulusan Agensi Pusat iaitu Unit Perancang Ekonomi, Jabatan Perdana Menteri dalam tempoh tersebut. Namun demikian, Kementerian ini bersedia untuk menyenaraikan semula projek ini dalam pelaksanaan Rolling Plan yang akan datang sekiranya projek ini tersenarai dalam projek keutamaan negeri.

Sekian, terima kasih.